

VAWISUN THUPUI
Lalpa in Pathien chu chel tlat lem hlak ro. Lalpoin in hmaa hnam ropuitak le hrattakhai chu a hnavt-suok vawng ta hi; nangni hmaa chun vawisun ni chen khawm hin, tukhawm a thang thei hrinhrim an um der naw hi.
- Joshua 23:8-9

Editorial

Duthusam pèla khawm duthusâm kim thei lona khawvel

Sap thavarin, ‘Happiness is on the way not at the end of the road’ a lo ti angin, thil iengkim hi ei beisei le tum ram ei hang tung meu chun, a lampui ei hraw lai, ei thil beisei hmu tuma kal ei pen lai kha an hawi le a hlimum lai tak a lo ni pei a, duthu ei lo sam ram tung huna khawm duthusam cho a lo kim thei chuonngaw lein hmaiteng a neka insang le thalem beisein lun-gril ngaituona le tha popo sengin theitawpin duthusam pelah duthusam kim chuonglo ding duthusam chu hnawtin, insang lem beiseinai ei nitin nun a mi thioui nawk hlak. Khawvel hi chu sawl a lo um ngei el.

Kum 20/30 liemta laia ropui le changkang em ema ei ngaihai khawm kha tulai huna ding chun hmunnhawik el an lo nitah. Thenum khawveng han zal hadam malama an awm chung Radio in thuta an hang her ri awt awt le, Tape Recorder hmanga hla an ngai hai mani ngeia neia thaw ve nuoma inhnarna hai dam kha a hun laia ding chun inhnarna lo na hle sienkhawm tulaia ding chun a lo thing ta a; technology hmasawm pei lein television el khelahr internet fethlengin mobile phone changkang tak tak le iPhone hai hmingin zalpum khawmin khawvel hmuntin ei fang thei ta a nih. Sienkhawm chuonng thil hai lei chun khawvel mihrim hai ta dingin hlimna le lawmna tak tak a pek thei chuonng naw a, duthusam an suk kim zo chuonng naw lein khawvela hin mani inthatna le nun nghawk leia chetna a la pung pei a nih. Ei nun a hlim naw zie chu hril kher ngai lovin ei bawkah an lang vawng. Hieng khawvel changkangnain a hung phursuok hmasawna chi hran hran hai ei hmu le chang hmaa ei nun kha a hlimin a hrisele lem an naw mani ti thei dingin a um bawk.

Famtah Dr Rochunga Pudaite in khawthluoknei (Computer) a nei ti thu ei hriet hun dam kha kum tam a la liem nawh. Sienkhawm tuhun chu intin le sungtin Television chu hril lo, Computer set, printer hai khelahr thangthar hai postal service ‘Internet’ hai chu ei smart phone hai le inzawm tlat, minute khat chau a buoi chang khawma um ngaina hre loa helhawl invawi hlawl el hlak hai ei hung nitah. Sienkhawm ei hlimin ei lawmna a kim chuonng naw a, ei lung a awi chuonng bawk nawh. Internet, mobile phone le vuongna hai lein khawvel ram lientak kha chite chau a hung nita lein inhmangaia inthuruolna thalem nei ding ni awm tak siin ei kar a hla deu deu a, ineptuo zingin ei um mek a nih. Inngaina tak tak ni awm takin bang intawm hiela inhneng tawt tawtin In ei bawl tawl a, sienkhawm ei lungril ruok chu an hmu tawl naw hle thung. Tienlai sungkuo pakhatin thlengpui ei pur intawm huna khan inthuruolna a tha a, lungril an hmu bawk. Tulai ruok chu duamma le hmasielnain ei lungril a sip a, thil chite lei khawma innginhghona le insel inharna a thung rawp el ta a nih. Ei beiseina, duthusam le hmasielnain chinlem a nei ta naw a, duthusam pela khawm hlimna le lungawina a um chuonng bawk si nawh!

Khawvela hin thil thawtheina (power) ei hau po leh mawphurna an sang a, huntha, remchang le zalenna a lien po leh thung ding mawphurna a tam ting el a nih. Khawvel thung changkang le hmasawn peiin thuneina le zalenna khawm ei hung nei lien pei a, sienkhawm chuonng ei thil thawtheina le zalenna hai chun duthusam hlimna le lawmna tak tak a mi pek chuonng naw a, a neka nasa lem beisein khawvel hnam ze tinreng hai hi ei in-irvuoi a nih. Hi thil hi tulai Manipur Politics inlumlet dan thlr khawmin chieng taka hmu le hriet thei a nih.

Thiltha nia ei ngai kha a tha vawng kher naw ang bawkin thilthanaw nia ei ngai hai kha a thanaw vawng kher nawh. Ngen neia nuor le phut thei ei nih, sienkhawm ram le hnam inthuruolna sukse thei ding zawng thil a ni chun ei Constitution in khuop theina a nei a. Chu hmang chun roreltu han an khat tawkin mipui zalenna an khuop rawp hlak. Inhran hi a tha, sienkhawm ei inlaichinna sukse thei ding thil a ni chun thiltha a ni nei nawh. Kohran chite tein ei inthedar a, hnam sunga inthuruolna nasa takin a sukset pha. Hnam tinin ro inrela ei nei chu a tha, sienkhawm ram inthuruolna sukse thei ding zawng a ni chun thiltha a ni nei nawh. Community based ang zawnga Manipur district thedar a ni chun ei hmasielna hin chinlem a nei tanaw lein thiltha nekin thilthalo a suok lem ring a um. Community based ni loin mi phuorkhawmtu dingin district sunga hnam tum tum ei chengkhawm a tul. Community base ang zawng chun duamma le hmasielna lein in ertuona leia buoina pumpul naw manih. Nu le pa phuorkhawmtu chu nau a ni rawp hlak.

Tuta hmaa matric passed an um khawma khawtlang pumpui huopa lawmna hiel lo siem hlak kha ei ni a, sienkhawm tu huna chun Matric chu hril lo, Graduate le a chungtieng insukhupa thienna nei; degree nei el chau ni lo, sin insang le inzaum tak tak chela, mi nei nei neia inchw thei khawm ei insukhup el tah. Sienkhawm duthusam a kim chuonng naw a, a hau le a nei deu han a neka tamlem an beisei a, In hluo senglo le thlatina fak senglo hlaw nei hai hi nitina inhlawfa hai neka pasie lem lemin an la thang nawk hlak. A san iengdang lei a ni nawh; an duthusam pela duthusam sukpitling an nuom lei a ni a. Fak senglo nei zing sia kut daw nuom hiel, BPL ni si lova mi pasie hai chan khawm inhnar ngawi ngawia hringnun hmang mi hausa-pasie ei lan katnuk el hin khawvelah duthusam pela khawm duthusam a kim chuonng nawh ti chieng takin a suklang a nih. Khawvel hi duthusam pela khawm duthusam kim theilona hmun a nih. Pathien neinaw hai ta ding lem chun a beidawng thlak zuola, mani le mani an inthat rawp hlak.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Joseph Joute: Freelance
Lalsansuok Pulamte & Samuel Zothangliem@SZ Zote:Sports
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

EI HMINGHAI TAK HI CHU MAW!!



Rev. Dr. H.M. Songate Songate

Bollywood film (Hindi) taphawtah a gunda (a misuol) popo Kristien hming an inputtir vet el hi chu hazat a um hle ka tih. Hindi filma a misuolhai hming inlar deu deu hai chu-John or Johnny, Paul, Mark, Andrew, Peter, Samson le a dang dang hai hi an nih. Inhma deu khan India Christian leaders forum ang deuin Film Producers’ guild ah an zu complain hiel thu Rev. Dr. Vanlal Nghaka in ami hril . Complain a awm hlie hlie a nih. Filma tuol thattu, nuhmei suolluitu, ruku le a tlangval haiin an ze zek taphawt kha tirkohai hming an naw leh Kristien hming anni deu vawng hlak a. Hazat chu a um a nih. Tukuma (2017) Sunday school subject- Thilthawhai 5:1-11 ah khan Anania le Saphirra hai nupa chanchin ei hmu a, a thu umzie kha sapsa ding umlo hiela chienga inziak a nih. A Bible thu tak kha hril ka tum nawha, an hminghai mawl kha buoi pui khawp niin ka hriet! Anania hming umzie kha ‘Grace’ ani chun, ‘Hmangai’ an naw leh ‘lungsiet’ tina ning a ta. Saphirra hming umzie kha ‘beauty’ ani chun ‘Mawi’ tina ning a tih. An hming hai hi Mizo hnathlak a bikin Hmar le Lushei tawng hmang pawlhai leh an hme rieul! Eini rawi hming phuok dan ang deuin hang la inla chu Anania hming umzie kha- Lalhmangai an naw leh, Lalthalien amani ani ding a nih! Chuonng ang bawkin, Saphirra hming khawm kha –Lalnummawi amani, Lalrimawi amani Lalneimawi amani ni ngei a tih. Kha hai nupa le ei ni rawi hming a hei in ang deu put el hi maktak chu a nih! Bible a hming umzie popo laia a tha pawl tak an na, an thi dan rapthlak zie ruok chu Judas Iskariot thi dan dawtu an nih. Hi hai nupa hming phuok dan eilo zui ve hi lawm a um chie di’ m maw!

‘Lal’ thang lova hming phuok: Nau kan nei hma daia inthawkin ka nu le pa kuomah, ‘Lal’ thang lovin ka nauhai hming in phuok ding a nih’ ka ti a. Ka pa’n ‘Lal’ thang lova hming phuok chu ava harsa awm de aw’ ati nghe nghe! Hming hi a neutu or a puttu I zir a na, a tha le vantieng kaw kher kher kha nun thluongtalmna ani bawk nawh. Assam daily newspaper hai a drugs phur an manhai, zu thalo phurtu dam, silai le ralthuom zawrtu dam, ganja phurtu an manhai hi Zo hnathlak hming a tam emem a, an hmangah ‘Lal’ thang deu vawng an nih! Entirna dingin; Guwahati Railways station ah tlangval pakhat Lalringlana drugs gram 100 leh an man, ti dam, Lalringum kum 26 mi ganja kha. 50 leh an man ti dam, nuhmei le pasal rathuom leh an man a, an hminghai chu- Lalvaramawii le Lalrinawma an nih, ti ang chi deu hi a tam emem. Ei hming bula ‘Lal’ ei sie hi ei Lalpa hming ani chun, hming phuok dan popo ei thlakthlang vat thang a tih! Kum 1982-83 laia Guwahati khawpui sunga nuhmei thalo Mizo welfare in an manhai hming khawm Saphirra ti ang deu vawng an nih! Hming phuok hi ei uluka, thingpui thlum tawktak leh in kuom le velhai ei fiel a, pastorin tawngtaina hmangin an hlan a. Vantieng ‘Lal’ hming haw in, ei amen thum dut hlak a nih. Hming mawi emem si a, nun pawrche hi alo in um thei a nih. Hming ei uluk ang hin hringna hi ei uluk naw zie a suklang? 1982 November khan Shillong Club ah ‘North East Church Leaders’ Consultation’ kan nei a. Zingkar breakfast nei dingin Upa. Dr. Friday Lyngdoh (Cabinet Minister) in Dr. Mathew Finny leh Sunup Aonok leh ami fiel a. *“Keini rawi hming phuok chu a awlsam khawp el, Friday (Zirtawpni) in ka piengra Friday an mi ko el a nih”* a tih. A ieng Friday tak kha’m ani leh tiin kalo indawn ta nawh a! Ka pa pu kha a thlan lungah *“Lungtau Fa, Dama”* tiin an ziek a. Ka pu hming hi Zavuok ani nawk a, ka pa le ka patehai

That dinga ran zawr le inchwak a khap

NEW DELHI: Sawrkar chun, hi thil hi dan lova thlungpui chun animal markets haiah that dinga ran (Bawng, Lawi, Siel etc.) hai zawr le inchwak khapna Prevention of Cruelty to Animals Rules 2017 under the Prevention of Cruelty to Animals Act. Environment ministry

Table with 3 columns: Hours, Studio/, Programme. Rows include 4.53pm CR/P Signature, 4.55pm Vande Mataram, 5.00pm Hymns to God, 5.05pm Local Announcement, 5.10pm Minor Dialect, 5.25pm Western Music, 5.30pm PAITE Prog., 6.00pm HMAR Prog., 7.00PM THADOU Prog.

hming hrim hrimah ‘Lal’ a chuonng naw vawng. Thado hming an put lem vawng nawk tlat! Kan naupang laia ei missionary huoisin fam tah Rev. Thattinlien Sungte in Rengkai ICI biekina a thuhiril ka zuk hriet suok vawng vawng chu tie. Hieng ang deu hin a hril, **“Lalsandam hai Lalringum hai Lalrawngbawlhaw rawi hremhunah chatuona an bau bang raka an intal el ding hi chu aw”** tiin.

Biblea hming dit uluk bikhai: Ka hming angpui pakhat chie a umin ka hriet, Saikot khuoa mi a nih. Ka la naupang deu lai, Rengkai road ah, ka nu in “Mansang” tiin ami hung kova, papui pakhat bawngsa khai lai leh kan in hawi ruol that chu mak kati khawp el. Pa thatak niin ka hriet nghe nghe! Hla in **“Lal Isu hming hi put zing ro”** a lo tia. Lal Isu hming haw ro a tina ni lovin Psalm 72:19 na kha a hrilna ani lem. Sap tawngin **“Take the name of Jesus with you, child of sorrow and woe”** a tina a nih. Biblea mi hming inlar thengkhat kha hang en sin inla. Abram hming umzie kha ‘exalted father’ (pa hmingtha/pa chawisang) tina ana, Pathien in Abraham (hnam tamtak pa) tiin a thlang pek a nih. Entirna’n Ishmael hming khawm Pathien phuok tho ana, a tha emem a, ‘Pathienin a ngaithlak’ (God hears) tina a nih a chu tukhawmin ei put nuom naw a hawi! Absalom khawm ‘Inremna pa’ (father of peace) ti ani a chu tukhawmin ei put nuom naw bawk. Thomas ti khawm ‘inphir’ tina a nih a, nau inphir nei iemani zat um ding ei nia chu, Isu thonaw kha a ringhlel ang deua an lang lein ei put nuom naw ning a tih! Unau simtienghai chun an pawisa der naw lein Thomas an inkat nuk el. Stephen kha a thi dan ei ngaisang lein a hming ang put ei tam. Martar chang ruok chu ei um naw el thei! Judas Iskariot lem chu khawlai rama khawm a hming ang put an um ka ring nawh! Thuihuoi 12 hai laia a kul a taia lo thang ve ani lein tlawmngaia a hming inputtir an um el rawm ka tia chu, a vang phien el. Hming (name) tha le van tieng kaw ei ngaina ang hin, *‘hringna tha le nun tha’* hnawt inla chu mi hmangtlak le Pathien ta dinga bel hmangtlak ei tam hle ka ring. India simtieng hai khun thuihuoi hming pakhat chau khawm an tawng khawp nawh a, a thuo thooin an hmang kawp hlak. Entirna ding: John Thomas, John Mathai, etc. Ei ni rawi chun thuihuoihai hming chau chu ei tawngkhawp ta naw lein Vanlal nau hming ei haw deu fur el nita veng a tih!

Hming le hnam inzapui: Chanchin ei lo hriet dan chun, Rev. Franklin Graham hin lekha an chuklai le a tleirawl lai a pa hnam (surname) ‘Graham’ hi a ziek nuom ngai nawh an tih. A hringna le a pa hringna kha an khin naw taluoa a ngai lei a nih. A nu in ringtu feltak ni dinga Pathien sandamna huonga a thuiolul hnung ruok chun, Pathien sipai huoisin le ringum tak a hung nih. Eini rawi khawm hi, nakie pha chu har hun hung nei ngei ei ta, ei hming phuok hai hi ei la put ngam naw hun um ka ring. Um ngei sien ka ti baw! Hmingah ei pass a hringna ah ei fail rawp hlak lei hin. Nang, I hming iem a na? I hming angin I hring de’ m? Van lal nau hming haw siin I hringna kha ieng ang inam I hmang a? Biblea hming inlar deu deu hai chu an hming angin an hringa, Pathien ngaihai lawmtlak le thil ropuitakhai an thaw a nih. Eini van tieng hming put ve hai ruok hin chu chungtieng thilhai nekin khawvel thilhai ei la ngaina lem a, ei hminghai ei la phursuok zo naw a nih! Anani le Saphirra hming ang kher kher eilo ngaina ve hi a paw ta bak el! Nau hming phuok hi ei dit uluk taluo lei ning a ti?

Corrupt dodalnain District Collector Rs. 2,000 an thawn

VILLUPURAM: August 30, 2017 nia thi Thoppayan (55) compensation buoi pui-na kawnga officials han thamna an ngen nghawk taluo lein Mr Thirupazhani (37) le a nuhmei Sudha (27) hai chun zani hmasa khan registered post fethlengin District Collector Dr L. Subramanian kuomah Rs. 2,000 an thawn a, an pawisa thawn chu an pa thina le inzawma Compensation sum Rs. 12,500 release na dinga thamna ngentu officials hai kuomah sem dingin an hril a nih. An lekthathawna chun thamna ngentu hai hming khawm chieng takin an zieklang nia hril a nih. (ENS)

Rajnikant in July thla in political party thar

BENGALURU: Hun iemanichena inthawk hril rik ret ret a um hnungin actor Rajnikant chu politics lutchil tum in singsa mek a, July thla tawp vel khin Rajnikant hin Political party thar an din thu a puong el thei niin Bengaluru hmuna cheng a unaupa Satyanarayana Rao Gaikwad chun a hril. Mr Gaikwad chun, Rajnikant hi mipui ditna anga politics lutchil tum a ni thu a hril a, hi le inzawm hin ama ngaina le ditsaktu hai le inrawntlangna a round

EMPLOYMENT NEWS

North Eastern Council Secretariat, Shillong huoi ah deputation basis in Ste-nographer Grade-II post 14; Draftsman Grade I post 1 le Upper Division Clerk post 16 a ruok. Inhnikna nei han Advertisement insuo a nia in-thawk ni 60 sungin Direc-

India pawisa note hlui Rs. 1 crore leh mi 3 man

RAJKOT: Rajkot Special Operations Group (SOG) chun zani hmasa zan sawt hnunga Mandvi main road hmuna dappui an thawnna India pawisa that (demon- etised) ta hnung Rs. 500 le Rs. 1,000 notes Rs. 1 crore (cheng vaibelsie khat) ding leh mi 3 an man niin zanita police thusuok chun a hril. Mavdi main road lai ringhla um taka bike-a

JD(U) in Bawng national animal a puong dingin

PATNA: Janata Dal (Unit- ed) chun Bawng chu national animal a puong dingin sawrkar thlungpui kuomah ngenna an siem. Bawng that le a sa zawr khapna thup- cek insuo a nita le inzawma ngenna hi an peklut a nih. Senior JD(U) leader Neeraj Kumar chun, sawrkar thlungpui hin Bawng hai hi a ngaituo a, a ngaina tak tak a ni chun national animal in a puong ding a nih tiin a hril. Minister for Environ- ment, Forest and Climate

An nu le pa han Fee to an sa- wisel lein students ieman- izat hnawtdawk

MUMBAI: Dahisar hmu- na private School pakhat chun student iemanizat hai chu an nu le pa han school fee tam taluo tia sawisela (complaint) an siem lein school a inthawk a hnawtdawk. Student hnawtdawka um hi 28 zet an ni a, hieng student hai hi school fee ennaung dinga complaint petu nauhai an nih. Maharashtra Educa- tion minister Vinod Tawde chun hi thil hi sukchiengin,

Lung lakna hmuna khur chim lein mi 6 an thi

AMRAVATI: Andhra Pradesh-a Guntur district sunga Phirangipuram hmuna zanikhan lung lakna hmuna mimkei tung lein lung lak- naa sinthawtu mi 6 in thina an tuok bakah midang pak- hat na takin a hliem a, Gov- ernment General Hospital, Guntur panpui a nih tiin za- nita official thusuok chun a hril. State sawrkar chun hi thil thlunga thina tuok sungkuo hai komah zangnadawmna

Chemists han India ram pum huopin strike

NEW DELHI: India rama Chemists (damdawi za- wrtu) nuoi 9 vel hai inth- lungkhawmna All India Organisation of Chemist and Druggists (AIOCD) chun Damdawi zawrna chungchanga sawrkarin dan zawmding khaui tak a siem dodalna le, hi chungthua representation vel tam an pek sawrkarin a ngaisaknaw leia an lungawinawzie suk- langna dingin May 30, 2017 khin India ram pumpui huo-

ATM rawktuma intum mi 4 man

NEW DELHI: Pasal kum 19 mi Manish an ti chu ATM a inthawk pawisa inruk dan ding ngaituoa a ruodlang mi 4 hai le team indina ATM an rawk tum lein a thawpui midang haileh Police han an man. Mr Manish le a team hai hin internet hmangin ATM rawk dan ding an inchwak a, zani hmasa khan ATM pakhat rawk an tum lai ATM a pawisa la tum han an va tuokfuk leia hlawsam

LAKTAWI

ICSE Class le ISC Class XII result May 28-ah

NEW DELHI: Council for Indian School Certificate Examination or Indian School of Certificate hnuoia Class X le Class XII exam result chu May 29, 2017 khin puong ning a tih. Tu tum hin Candidate hai ta dingin DigiLocker facility introduced ning a ta, candidates hain chu Locker fethlenging digital marksheet an hmu thei ta ding a nih. CBSE hnuoia Class XII result chu May 28, 2017 hin puong ning a tih.

Van eksidenah mi 5 an thi

COIMBATORE: Zani hmasa zan khan Nilgiris district-a sight seeing a fe hai chuongna Van chu changsuolin Udhagamandalam hmuna a thalin an let a, a sunga chuong nuhmei 2 thangin mi 5 in thina an tuok bakah midang 28 in hliemna an tuok. (PTI)

Sukhoi-30 pilot 2 hai umna la hriet lo

TEZPUR: May 23, 2017 nia Indian Air Force vungna Sukhoi-30MKI jet a umna chin hriet lova inhmang a pilot pahni hai chu a vuongna tla hlek hmu nita sienkhawm an umna chin hriet a la ni naw a, Para (Special Forces) le Indian Air Force Guards han thlawpna Army han san-suokna sin an thaw mek.

Helpawl 4 kaphlum an nih

SRINAGAR: Army hai chun zani zingkar khan Kashmir-a Rampur sector Line of Control-ah India ram hung lut ruk tum helpawl 6 zet an kap hlum. LoC hmuna hin ringhlaum taka inlawnkul Army han an hmu a, an va enchieng hunah helpawl hai hin an hung kap leia inkaptuona dunga helpawl 6 hai hi kap hlum niin army official thusuok chun a hrii. Hi lai hmuna hin dapui nasa taka thawzawm pei a nih. (PTI)

An nuhmei hai sum hmuna an ziekxa a tul ding

NEW DELHI: Sawrkar thlungpui chun Conduct of Election Rules siemthain column tar a siem belse. Hi dungzui hin Election huna candidates han Affidavit an file hunah an nuhmei hai sum hmuna (source of income) khawm an zieklang sa ngei ding ti a nih.

SL-ah tuilien le mimkei lein mi 92 thi

COLOMBO: Sri Lanka-a chun zani hmasaa inthawk ruo nasa taka a sur leia tuilien lei le mimkei tung lein mi 92 in thina an tuok niin zanita official thusuok chun a hrii. Tuilien le mimkei lei hin mi 60,000 chuong hai chu an chengna In haia um ngam lovin hmun himna hmuna an tlanse tawl niin Disaster Management Centre (DMC) report chun a hrii. (AFP)

HMAR WOMEN ASSOCIATION

General Headquarters

HMAR NUHMEIHAI KUOMA INHRIETIRNA

27th May, 2017

Hmar Women Association GHQ Executive meeting thurel angina 2017-2020 (kum thum) sunga Hmar Women Association-General Headquarters a thuoitu ding inthlangna a hnuoia hun le hmuna hin ruot a nih. Chun, hi huna palaia thang thei ding hai chun an membership fee 2016 chena mi Headquarters a an submit ngei ding a nih. 50% rel tasa angin Membership fee pelo hai minimal/Unit hai candidate/vote nei thei bawk naw ni hai

A hun: 3rd June, 2017 (Inrinni 10:30 am)

A hmun: Muolvaipei Community Hall

Inthlangna hi HWA Constitution dungzua nei ning a tih.

1. Palai intir dan – Article 7. Clause II (e&F)
2. Inthlang dan- Article 8, Clause I (a-f)
3. Palai dinghai chu mani kalman Unit tinin intum ding.

Sd/- Chongtuozing General Secretary

Sd/- J.L. Sawmi President.

India rama Ahmedabad hmunah Zika Virus



AHMEDABAD: World Health Organization (WHO) chun India rama Zika virus invawi 3 hmu-suok an ni thu a sukchieng ta thu a hrii a, Zika virus invawi sukchieng um hai lai hin January thlaa nuhmei naupai pakhat test neia um khawm a thangsaa. Zika Virus case hmuna hi Bapunagar area a nih. Zika virus sukchieng a ni thu hi Ministry of Health and Family Welfare-Government of India (Mo-HFW) chun website -ah

a zieklang a, laboratory 3 haia enfel a ni hnunga sukchieng a ni thu a hrii bawk. Indian Council of Medical Research (ICMR) chun mihiem samples 34,233 le mosquito samples 12,647 a lakkhawm hai Zika virus um le umnaw a enfel ta a, hienghai laia mosquitos sample 500 hai chu Bapunagar area, Ahmedabad district, Gujarat-a inthawk an ni a, sienkhawm Zika negative vawng an ni thu WHO website chun a hrii. (IE)

Raj Babbar, Suresh Raina le Anurag han thlatin pension Rs. 50,000

BAREILY: RTI hmanga indawna dawnin kum 2016-17 sung khan Uttar Pradesh sawrkar chun, Yash Bharti Samman hnuoia beneficiaries 172 hai kuomah thlatin pension sum Rs. 50,000 a pek a, hieng pension sum hai a peknaa hin state sawrkar chun Rs. 10.32 crore a seng phak niin a hrii. Hi scheme hnuoia thlatina pension sum Rs. 50,000 dawngtuhai lai actor le UP Congress chief Raj Babbar, a nuhmei Nadira Raj Babbar, film siemtu Anurag Kashyap le Vishal Bhardwaj, cricketers Suresh Raina le Mohd. Kaif, actor Nawazuddin Siddiqui, singer Kailesh Kher le co-

median Raju Shrivastava hai an thang. Hi pension hi films, art, literature, science, journalism le sports tienga thaw hlawk le inlar hai kuoma pek an nih. Actor Rajpal Yadav, Amitabh Bachchan le a sungai t hangin hi pension sum pek dinga ti 12 hai chun pension sum hi la nuom lovin an hnaw a nih. Indawna siemtu RTI Activist Mohd Khalid Jilani chun, hieng celebrities hai kuoma pension sum pek hin tul loin sawrkarin sum a sengral a nih tiin an tum a, UP Chief Minister Yogi Adityanath chun hi scheme hnuoia pension sum pek hi suktawp dingin a ngen a nih.

Cargo plane tla thla ah mi 1 thi

KATHMANDU: Zankhan Nepal vuongna cargo aircraft chu Mount Everest region-a airport bul lai t ieuusung zing nasa taluo leia tuoksiet tuokin a tla thla a, senior pilot pakhat a thi bakah crew member dang 2 in hliemna an tuok. Cargo plane hi Czech siem LET-410 a ni a, Goma Air domestic airline hai enkawl a ni a, Tenzing-Hillary airport, Lukla Airport tia hrietlar hmuna tum a tum huna changsuol leia tla thla niin ei thu dawngna chun a hrii. Hi vuongna tuoksiet tuokta thi senior pilot hmung chu Paras Kumar Rai of Bhojpur district, eastern Nepal a ni a, hliemna tuok hai chu air hostess Pragma Manandhar le co-pilot Shreejan Manandhar hai an nih. Rai hi a hmuna thi ngahal a nih. (PTI)

G-7 Summit zo, ngaidan inphir takin a tumtiek



TAORMINA, ITALY: Khawvela rambung thilthawtheitak le brattakhai pasari inzawmkhawm Group of Seven (G-7) thuoituhai chu thil an thaw thei naw hle. Hliemtakin ro tha rel beisei le mitharhai inhmehrietna ding tha an tih laini lungrila inkau tuk le ngaidan inphir takin, fedan ding mumal tak khawm siem thei lovin an tumtiek tah. US President Donald Trump, a foreign trip hmasatak phur tak le thafan taka hlim taka suok chu ngui burin, hmel hlim lo zetin an lawi pha bawk. America le European rambunghai, China, Russia le Japan thangin, sipai le ralthuom thila sumhmang thu, sumdawngna thil le climate change le global warming haiha ngaidan an ang thei naw met lein Thupuong khawm an siem thei nawh. President Trump policy "Make America Great Again"

VISION ACADEMY
Rengkai, Churachandpur – 795128, Manipur, India
CoHSEM Recognised – 1/321/09/HSC

CONGRATULATIONS VISIONIANS

Vision Academy congratulates its students for their achievements in the Higher Secondary Examination (HSE), 2017. Our Special gratitude goes to candidates who secured **letter marks** in **English, Geography, History, Political Science, Alternative English and MIL (Hmar, Paite, Mizo)**.

With a 100% Pass Percentage and the No.1 Position Rank in Churachandpur, Plus all Manipur Rank Holder in Arts Stream, Vision Academy is extremely proud to all Successful Candidates.

We Wish them all success in their future academic endeavour.

Sd/- Principal

ICICI Bank CEO in nikhatah Rs. 2.18 lakh a hlaw



MUMBAI: India rama private bank lien tak ICICI Bank CEO Ms Chanda Kochhar chun financial year 2016-17 sung khan Rs. 7.85 crore a hlawsuok a, kum hmasa nekin a hlaw hi 64% in a pung. Annual report dungzui hin ICICI Bank MD le CEO Chanda

TN. Dairy minister in inban an huom thu a hrii



SIVAKASI: Tamil Nadu Dairy Development Minister K.T. Rajenthra Bhajajee chun, private dairies tamlem han bawngnene (milk) an zawr dinga an pekdwak haiah hriselna ta dinga himlo damdawi (chemical) a thang tia a hrii chungthuah private dairies han a thuhrii an diknaw ti sukchiengna an pek thei a ni phawt chun minister a ninaa inthawk inban le khaikang an huom thu zankhan a hrii. Minister chun, bawngnene supply-a um hai dam-

Egypt ah Kristien 28 Kap hlum, 24 an hliem

CAIRO: Inrinni khan Cairo khawpui simtienga Minya province-a Coptic Kristien bus-a chuonghai chu Islamic helpawl han an lo kap lein mi 28 an thi a, 24 an hliem bawk tiin police thusuok chun a hrii. Mita hmutuhai hrii dan chun, Kristien hai hi Biekien fe dinga an tlan laini Muslim helpawl tamtak hmai tuom, motor 4-5 vela hungin an hung kap el niin an hrii. TV ah motor thisen kai nung le mithi ruong tamtak hmu thei a nih a. Khuo pakhatah Kristien thuihai vuituhai chun, sawrkarin Kristienhai an veng hne naw chun anni'n phuba an lak el ding a nih, tiin Kraws chawin an nuor nasa hle.

thattu Muslim helpawlhai inbrukna hmun nia hriet Libya laia camp chu an va bomb hrep tah bawk. President Abdel Fattah al-Sisi chun, helpawlhai camp bomb an ni thu a hrii a. Helpawlhai intawmna puk hrim hrim chu an ram le puotieng khawm nisien an bomb siet pei ding niin a hrii a. "Helpawlhai thil thaw hi theinghil ni ngai naw nih a. Helpawl hrim hrim chu nuoichimit vawng ning an tih" tiin a hrii. East Libyan forces hai chun air strikes ah hin an sipaihai khawm an thang a. Helpawl, abikin al-Qaida le inzawmna neia hriet tuolsung helpawlhai umna puk, ground forces thanga be a ni thu a hrii a. A khawmihai khawmin Majlis al-Shura hai camp bomb ri nasatak hriet thei a ni thu a hrii bawk.

Paris Agreement ah Climate Change do tlang ding le production hai khawm suktlawm ding ti thuah "America First" policy le chu an rem naw met lein Trump chun commitment a pek thei nawh a. Chu chu a nih thuoituhai lungkim zan loa an inlawina san chu. British PM Theresa May-in Muslim helpawlhai chetna inrang taka hriet vat vata dang a ni theina dinga internet governance sukrhata intelligence in-share tuo vat vat dinga a rawnta ruok chu thlawp a hlaw hle a. Hi thua khawm hin, Manchester bomb thu intelligence sources, US CIA in an lo in leak-tir lein Britain PM lung a awi naw hle a. Trump chun a pawmpui. Hi char hi an lungruol theina niin an lang. Lungawi zan lo rambung thuoituhai lungrila sahal sukrena dingin, tienlai Greek hla mawi tak tak le

NOTICE

PMUY(Ujjawala) Scheme, Security Deposit free LPG connection to BPL Family whose names appeared in SECC Census-2011 are requested to apply for LPG Connection. The Scheme will be launched on 5th June, 2017 at City Convention Centre, Imphal

Apply and get the Security deposit free connection.

ISSUED IN PUBLIC INTEREST BY CHURACHANDPUR DISTRICT LPG DISTRIBUTORS.

KAN INNGHIL THEI LO

KAN PA

LALBIEKLIENG SUNGTE
(17.4.1939 to 28.5.2016)

Vankhawpui mawi imi lo inlawi sanna champha vawikhatna a hung inhersuok hin lungril a sukthar zuol in kan ngaina che a zuol ngei! Nang ngai bang zai rel san ding le tienlai hang inching el ding hi harsa kan tih.

I nuhmei Zami & I nau hai Hmarveng.

BETHESDA COLLEGE OF NURSING
Muolvaipei, Churachandpur

ADMISSION NOTICE

BETHESDA COLLEGE OF NURSING invites a female candidate for admission to B.Sc. Nursing and General Nursing & Midwifery (GNM) course for the year 2017.

ELIGIBILITY: -
(1). B.Sc. (N)=Class XII Science (PCB&E).
(2) GNM= Class XII (Arts/Science)

Application Procedure:
(1) Application form & Prospecturs can be obtained from the office at Muolvaipei on all working days.
(2) Christian Book & Stationaries, ICI Sectt. Building, Sielmat

Limited Seats- First come first serve basis.
Contact Nos. 961578636/ 9856376435/ 9856292890

KA RAM KA BANDA NUOM

Meghalaya East Jaintia Hills District Khaddum village a ka ram (Tuklo ram) a hnuoi Cement lung/Chinese lung (lime stone) vawng a sip, Sq. 50,000 a lien, District Council in L.H.C fel tak/indik tak le a map changtlung taka siem chu insum mamawna le harsatna lein Nuoi 12 chaurin ka Banda nuom/phal.

A hnuoi man ringawt le a hlutna le chun nuoi 150 manhu a nih. A hmun chu Star Cement Factory ralkhing char a um a nih.

Biek theina: 9615959583

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hung chaurin ka hung char deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hrii a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekravn thei a nih.

Lawmthu hriitua,
Sd/-Jacob
Tuibong

PIGROW Tablet

VAWK INTHANGNA DAMDAWI

I vawk zawr hun tingna dingin kum khat nek tam ngahk ngai tanaw nih.

A THATNA:

- * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
- * PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:

- * Vawk pakhatah nikhatah mum 20 (zingtieng mum 10 le zantieng mum 10) pek ding.
- * Box khat ah mum 600 a um a, chu chu thlakhak sunga a fakzo ding a nih.
- * Rawt phita pek in fak avlsam an ti lem.

INCHAWK THEINAHAI:

1. Hmingi
2. L.K. Screen Printing Bethel, CCPur Lighthouse Lane, CCPur # 8414852391
3. Pet Care Centre, Tiddim Rd. CCPur.

Order tam dan dungzuiin HOME DELIVERY khawm kan thaw thei.

Rs. 350/- per Box

TUOLSUNG/IMPHAL

BJP RS MP thar an va lawmpui



CCPUR: Manipur-a BJP Rajya Sabha (RS) member of Parliament (MP) dinga thlangting thar Pu Bhabananda chu zani zingkar 8AM khan ADC, CCPur-a Chairman hlui Pu Langkhanpau Guite le

Vice Chairman hlui Pu Lal Hossan han a chengna in Wahengbam Leikai, Imphal hmunah Rajya Sabha member dinga thlangting a ni lawmpuina va neiin puon insiltirna an nei.

Ginsuanhau Lawmpuina an nei

CCPUR: Zani NIAM khan 60 Singngat Assembly Constituency sung Sangai-kot Block a T. Lamlai Polling Station huohawtmain Singngat A/C MLA dinga thlangting nawk Ginsuanhau @ GS Haupu MLA tling lawmna le MANIRE-DA Chairman dinga ruot a nina lawmpuina hun hmang a nih.

nisiengkawm Opposition-ah sin thaw thei a tlawm leia mipui hmakhuo ngaina leia thuoiu hai remtipuina BNP zawn a ni thu a hril. MANIREDA fetheln-ga Rengakai Road-a inthawk SAngaikot chen lampui sira Street light sukvar vavng thei a ninaw khawm-min Singngat, Sangaikot le khuo iemanizat haiah khawmsung sukvarna dinga DPR siem a ni ta thu a hril.

Ginsuanhau chun, Congress ticket-a thlangting

PDDC in Dy. CM an inhmupui



PERZAWL: May 27, 2017 khan Pherzawl District Development Committee (PDDC) thuoiuhai chun Pu Ngursanglur Sarate, Ex-Minister hmalaknain Manipur Deputy Chief Minister Y. Joykumar Singh a office-ah an inhmupui.

Pherzawl district le inzawma thu pawmaw dang dang hai an hrilpui a, May 23, 2017 nia PDDC in CM ta dinga reminder le invitation an lo peklut ta chu CM kuomah a lo peklut ta thu a hril a, Saikawt Sub-Division Demand Committee harsatna chungthua khawm Memorandum an peklut ngal baw.

Hi hunna hin Pherzawl District le inzawmin Memorandum an pek bakah Saikot Sub-Division Demand Committee memorandum an inhlam ngal baw. Dy. Chief Minister chun a theina kawng zawn zawngha thangpui a nuom thu a hril.

PDDC team a hin -Pu Lalhmangpui, Member, ADC; Pu Chinlian John Simte, Vice Chairman; Paotinkhuol Gangete, Vice Chairman; Pu Mangcha Haokip, Vice Chairman; Pu Timothy Z.Zote, Public Relations, Pherzawl District Development Committee le Pu Bela, Social worker hai khawm an thang niin zanita PDDC thusuok chun a hril.

PDDC team hin N. Ashokkumar, IAS, Secretary to Chief Minister khawm CMS Secretariat-ah inlawmpuina an nei a,

Henglep NFSA bufai

CCPUR: Zani zignkar khan Henglep A/C hnuoia khuo tum tum haia National Food Security Act hnuoia sem ding bufai Fair Price Shop Agent han Peace Ground, Tuibong a inthawk an phursuok. Bufai phursuoka um hai hi Henglep SDO/BDO Chunglenmang Kipgen, MCS chun a va enfel.

Sevilla Coach Jorge Sampaoli chun Argentina National team enkawl a tih

La Liga Club Sevilla Manager Jorge Sampaoli chu contract kum khat la nei sien khawm Argentina National team Manager dingin an sawn ding niin Sevilla Club chun Zirtawpni khan thusuok a siem. Hi inbiekrema dungzui hin June 1 khin lekha ziek fel ning a tih.



Sampaoli hin Sevilla hi La Ligaah tuta season palina a nipui a, hi hi kum 2010 a inthawka an phak insang tum tak a nih. Season bul tieng khan an khel tha met a, title inchunah an hung thang phak a chu season chenve hung an khel sie deu deu nawk thung a nih. Ama hin season khat char Euroopean Club a la enkawl

a, a hma khan Chile Coach a lo ni tah a, 2015 Copa America kha a lakpui a nih. Argentine Football Association President Claudio Tapia chun Sampaoli char hi an ram team enkawl dinga thlang ding um sun a ni hri thu a hril a, an manager hlui Edgardo Bauza kha liem tah April thla khan an

Antonio Conte chu Chelsea-a um sunzawm pei a nuom

Chelsea manager Antonio Conte chun Chelsea-a la him hri thu le kum tam tak la um a nuom thu a hril. Conte hin Chelsea a enkawl hmasakna takah premier league trophy a lakpui ngal a, a ta ding chun thil lawmum tak ni ngei a tih. Ama hi League Managers' Association Manager of the Year nina chel mek a nih a, a hma met khan ama ram Club Inter Milan tienga insawn ding ang deua hrlirik met a lo ni



Anachu ama chun Chelsea hi suoksan el a tum naw thu a hril ve dei. Club hin la cham thei ding le contract sukseina ding hun remchang

Thailand ram palaihai an kir

IMPHAL: Thailand Ambassador to Myanmar Jukr Boon le Thailand ram palai mi 22 hai chu Imphal-ah ni 2 lai an cham hnungin zanikhan Imphal suoksanin an ram tieng an kir tah. Thailand ram palaihai hi Imphal-Moreh Road hrawa kir an nih. Thailand ram palaihai le Manipur sawrkar palaihai chun May 26, 2017 khan Classic Grande, Chingmeirong hmuna meet-

ing an nei. Hi meeting a hin Thailand-Myanmar-India Trilateral Highway chungthu le rambung pahnhai insumdawngtu dan ding hai an hritlang. Classic Grande, Chingmeirong a meetingnaa hin PWD Minister Th.Biswajit Singh, CAF & PD Minister Karam Shyam, PHED Minister L.Dikho le Chief Secretary O.Nabakishore hai khawm an thang.

Temperature Logger hunglung



CCPUR: United Nations Development Program (UNDP) a inthawk CCPur district-a damdawi siethatna dinga Cold Chain Point tin haia sie ding Temperature Logger chu hung phurlung a ni le inzawmin zanikhan District Immunization Office (DIO), Dist. Hospital, Sagang PHC le Saikot PHC haiah inbuk a nih.

le Technician pakhat han an hung inbuk a. May 29, 2017 in Singngat PHC le Behiang PHC haiah inbuk nawk ning a tih.

Temperature Logger hi SIM Card le inzawm, temperature huntawka damdawi siethat hai enkai zing theina ding a nih. Temperature Logger hi District sunga Cold Chain Point - DIO, District Hospital, PHC Saikot, PHC Sangai-kot, PHC Singngat, PHC Behiang, PHC Sinzawl, PHC Thanlon le CHC Parbung haiah sie vavng ding a nih.

Temperature Logger hai hi zani zingkar 9:30AM khan Directorate of Family Welfare Services, Govt. of Manipur a inthawk Hijam Romee Devi, Project Officer, Operation, UNDP

Legal Awareness nei

CCPUR: Churachandpur United Clubs' Organization (CUCO) huohawtmain zani 10:30AM khan M. Songgel Community hall-ah One Day Legal Awareness Programme nei a nih. Hi hunna hin Jamkholal, Chief of M. Songgel khuoliin a thang a, S.K. Mangang, President, CUCO functional president le Thongkholum Haokip, President, MSYC le S. Ngambi, Finance Secretary, LUDO hai guest of honour in an thang. Awareness hunah P Khankhanthum, Advocate, Chairman Collective layers Trust India, H Lalhamawi, Advocate le Ngaineihkim, President, Kuki Women Organization for Human Rights te resource person in an thang.

Mario Bolotelli : Ballon d' Or dawng ding chun Messi le Ronaldo ka lekhel phawt a ngai

Italy international striker Mario Bolotelli chun khawvela football inkhelnaa mimal lawmman insang tak dawng thei ding chun Lionel Messi le Cristiano Ronaldo hai a lekhel phawt a ngai thu a hril. Bolotelli hin hi lawmman ropui tak hi dawng ngei tum theitawp a suo mek a, anachu Lionel Messi le Cristiano Ronaldo hai a khumkhel naw chun a dawng thei hri naw ding thu a hril.

Nikum nipui chawl lai khan Nice Club a zawn a, kha taka inthawk khan ama ta ding chun hi lawmman hlu tak hi lak a lan hnu



lo pei fel ta kha a nih. Tuta season liem ta khan Sevilla hi UEFA Champions League Last 16 a tlungpui a, hi hi kum 2010-a inthawka an tlung phak nawk vavikhatna a nih. Anachu Round of 16 a khan English Champion Leicester City lakah an tlawm a nih.

May 30 ah "Wonder Woman" Tlangzar Ding

LOS ANGELES: Israel nunghak Gal Gadot-in hnesaw taka a changna, 1941 laia DC Comic character inlar, women empowerment le gender equality an khekpui hma daia Comic-in a lo tarlang tah, nuhmei thilthawthei tak le hrattak milimbu besana Warner Bros-in film puitlinga a siem "Wonder Woman" chu London ah insuo sinna ding an ti chu Manchester bomb puok leia security thil thihawngna lein thul a nih a.



May 30 khi khawvel pumpuia tlangzarna dinga a lo riruongna ni a nih tah baw si lein UK tieng a him nawa, thul a awm zing lain US tieng premiere ruok chu lo thei lova nei a tul lein Nngani khan Los Angeles-a premiere na chu venghimna khautak hnuoia nei a nih.

tha ka tih a. Inhmangainahai a dei tiel tielna khawvelah inhmangaina thu le khawvel tha lem le mi tha lem siem tumna film kan siem thei lein lawmum ka tih a.

"Hi tak hi a nih tulai khawvelin a mamaw, message ei pek suok ding chu; hmangaina le nun thalem, khawvel inhaw le siem tumna hi. Lawmna thil lo thaw rak khawm a la hunaw metin ka hriet" tiin Los Angeles, US tieng ruok chu paw i a ti naw thu le an thaw tei a tul thu a hril.

Hollywood a Pantages Theatre chu Uisathiem le police le SWAT tamtak leh nasataka venghimna sukhuu a nih a. Red Carpet hrawna le insuklamahai khawm tha taka nei thei a nih.

Khawvel le mi hriem nungchang se tah hnung indinthar nawk tuma "Wonder Woman" hmalakna changu danghai chu Chris Pine le Robin Wright an nih a. May 30 khin khawvel pumpuia ah tlangzar nih tang a tih.

Ariana Grande-in Mithihai Sunna Concert

LOS ANGELES: May 22 zana Manchester, Britain-a "Dangerous Woman" concert a nei lai hla nuhnungtak a sak zo chara thichil bomb hrattak puok leia mi 22 thia 100 neka tam an hliema thu le inzawmin, US nunghak hasakthiem Ariana Grande (23) chun mithi sungai le hliemhai thanguina dinga fund raise-na dingin Manchester ah baw concert a nei nawk ding niin a Instagram fethlengin a puong.



A fans hai kuoma a hril dan chun, "Khawpui huoisin Manchester ngei ah hung kir nawk ka ta, a mi ngainatu ka fanshai le hun hmang tlang ding le, thina tuok sungai le hliemhai inzana peka anni thanguina ding 'benefit concert' ka la hung nei nawk ding a nih. lengkim confirmed a ni phat kimchangin la hril nawk ka cheu" tiin a ziek.

nih ding niin a hril a. Thi le hliemhai po po a damsungin ni tin a theinghil ta naw ding zie a hril baw. "Tawpsan el nawng kan ta, ti lein zam baw nawng kan tih. Hi thil hin mi the naw nih a. Intheidanain hneha chang baw naw nih" tiin a hril.

Twitter ah khawm, Manchester Evening News-in tuortu (victim) hai thanguina dinga fund raising campaign a thawna link a tweeted baw

hi 'ka fans hai insukhlamma ding, an lawma an hliema ding, an inhumhimma ding, insukdamna ding, him taka mani nina ang ang a um theina ding' a

Ariana Grande hi a concert hla a sak zo chara bomb a puok khan a thawng na taluo a. Lungril na tak pumin US tieng Thawlenni-in a kir ngal a. "Ka tuorna taluo a, thuin ka hril seng nawh" tiin mithli le in an lawi a. Europe tour po po khawm a thung vavng ding thu a manager-in a puong chu, concert nei thar dingin a lungril a siem nawk tah a nih.

Scot Disick, Nuhmei Dang Maggie Le Hmu Kawp Nawk

LOS ANGELES: "Ui an luok a baw an kir nawk" ti ang deuin, 'zawngsak mansapui pai' ti le 'ngawlvei' tihai hi ching pangngai ching zawngsak sim thei tah lo thil hrilna an nih chun a ieng ieng khawm khi Scot Disick chungah chu hmang thei a ni hmel khawp el. Ama ngein "sex addict ka nih" ti an phat nawna le inzawm pein a nundam ah khawm hmu thei dingin a um pei.



Kawng khatah chu Scot Disick chu mani nina inphat lo kawngah ngaisang a uma chu a hnamtuuhai ta ding chun hnam um tak le theida umtak chu ni ngei a tih. A nuhmei Kourtney Kardashian le an inthe hnungin nunghak tamtak an hmpui nawk tah a. Ni hni sungin nunghak pathum an pawlpui nawk hman der tah.

Chris Cornell hin, kum 13 a nei tah a nuhmei Vicky le an nauhai Toni (12) le Christopher (11) hai bakah a nuhmei hmasa le an nau Lilian (16) hai a thisan a nih. Cornell hi a group hming Temple of the Dog tia hriet khawm a nih a. Kar hmasak khan a pawl Soundgarden hai leh Detriot ah an perform zo hnungin a room ah thisa, lo inkhai hlum, hmu a nih.

Cannes Film Festival a thang dingin a f eve a. A tlungna in chun nunghak in a nih ringawt. A tir chun Festival-a hin Bella Thorne (19) leh an fe a. Tleirawl nu leh hun iemani chen an chen a, a nene an hnelpui laihai thlalak social media haia a hung inlang phingin Bella chun "Kan hnikka zawn an

Report hmasa hril dan chun "mani inkhaihlum" a tih a. Amiruokchu, a

hingnun hun tawpna tak chu ei nei a, ei pahnia ei um kawp thei naw lein paw ka tih, ka hmangaih. Ka duotlai, i khat chauva i um lai khan ka umpui thei naw che lein mi ngaidam raw aw, iem a tlunga ti ka hung hmu nawa a nih kha zan kha. I khat chauva i um kha paw ka ti takzet a. Mani inthath chi i ni nawh, ka hmangaih Christopher" tiin a ziek.

A zingah a bielnu hlui Chloe Bartoli leh kekawr bul le zakuo hnuoi chauh haka an inhnal lai le inkuo mawl mawla, an inzui lawm lawm lai hmu a nih nawk a. Ama hi chu titakzeta a hmangai a ni ta awm hi tamtakin an ti lain Zirtawpni khan UK Blogger Maggie Petrova leh swimming pool ah innel taka an insai lai hmu a nih nawk a. Iemani dam khawm tui hnuoia an inpur pek mawl mawl a nih, mi an pawisaw nawh.

Chris Cornell hin, kum 13 a nei tah a nuhmei Vicky le an nauhai Toni (12) le Christopher (11) hai bakah a nuhmei hmasa le an nau Lilian (16) hai a thisan a nih. Cornell hi a group hming Temple of the Dog tia hriet khawm a nih a. Kar hmasak khan a pawl Soundgarden hai leh Detriot ah an perform zo hnungin a room ah thisa, lo inkhai hlum, hmu a nih.

A kharna dinga chun, "Thlaraua inzawm i ti kha an dik, thlaraua inkawp ei nih. Inhmu tah hlakhai chu an inhma nawk hlak ti a nih a, mi la hung thuoi nawk i tih ti ka hrieta, lo ngahk zing ka ti che. Mihriem inhmangaihna ramah miin mi an hmangai theina insangtak neka insangin ka hmangai che a. Kei ang hmangaitu che hi um tah baw nawng an tih. Always and forever, Your Vicky!" tiin a suktawpa, mi lungril a them hle.

Jammu and Kashmir chun State thanguina hnuoia Football Academy hmasa tak a hawng

A hmaa la um ngai lo Jammu and Kashmir State sawrkar thanguina le enkawl hnuoia football academy hmasa tak chu Srinagar-ah hawng a nih. Hi taka hin batch hmasa taka dingin Kashmir teirawl kum 13-18 inkar mi 100 thlang dawng phawt an nih a, football star le national player Mehrajuddin Wadoo chun ball pet inchuktur a tih. Hi thlang dawkhai hi ni ruk sung tawp trial neinaa thlang an nih. Trial-a hin mi 1000 tawp an thang.



Wadoo chun, "Tuta pawimaw hmasa tak chu naupanghai thiemna keidawng le sukhrat zuol a nih. Coach insit um lo tak tak le trainer tha tak tak ei nei a, anni hin theitawpin enkawl veng an tih," tiin a

khawm hieng anga inkhelna tieng hmalakna a hung um hin chite bek a zie um ngei a tih," tiin a hril.

Hi academy hin state sunga player-hai theitawpin hma lakpui a ta, state level le national level chena an inkhel thei dan ding ngaituopui a tih.